

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
Ո Ր Ո Շ ՈՒ Մ թիվ - 370

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«20» դեկտեմբերի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Արթուր Ենոքի Ավագյանի (Անձնագիր AV0247037, հասցե՝ ՀՀ, ք. Երևան, Անհաղթի փողոց, շենք 16, բն. 9) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի ՝

2023 թվականի հունիսի 06-ին ՊԵԿ Երևանի մաքսային սպասարկման կենտրոն-մաքսատուն, վարչության աշխատակիցների կողմից «ՄԵՏԷՔՍԻՄ ՏԵՐՄԻՆԱԼ» ՍՊԸ-ի մաքսային հսկողության տարածքում զննման է ենթարկվել Արթուր Ավագյանի անվամբ թիվ 05100041/110323/0010764 տարանցման հայտարարագրով հայտարարագրված 186 կգ ընդհանուր քաշով օգտագործված անձնական իրերը, որից նշված քաշով ապրանքներից հայտարարագրվել են 159.9 կգ համաքաշով ապրանքերը՝ թիվ 05100010/010623/0055307 ապրանքային հայտարարագրով, իսկ 26.1 կգ մնացորդ ապրանքը փաստացի կշռվել, առանձնացվել է քվոտավորման արդյունքում և հանձնվել է պահպանության: 2023 թվականի սեպտեմբերի 28-ին արգելապահում իրականացնելու նպատակով պարզվել է, որ վերոնշյալ քվոտավորված բեռը՝ 26.1 կգ համաքաշով բեռը բացակայում է մաքսային հսկողության գոտուց:

Փաստի առթիվ Արթուր Ավագյանի նկատմամբ ՊԵԿ իրավաբանական վարչությունում «Մաքսային կարգավորման մասին» ՀՀ օրենքի 302-րդ հոդվածի հատկանիշներով՝ կազմվել է մաքսային կանոնների խախտման վերաբերյալ արձանագրություն:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 302-րդ հոդվածի 2-րդ կետի համաձայն՝ մաքսային մարմնի պաշտոնատար անձի օրինական պահանջը չկատարելու համար առաջանում է տուգանքի նշանակում 100,000 դրամի չափով:

Արթուր Ավագյանը չկատարելով մաքսային մարմնի օրինական պահանջը քվոտավորման արդյունքում առանձնացված 26,1 կգ համաքաշով բեռը դուրս է բերել մաքսային հսկողության պահպանման պահեստից:

Արթուր Ավագյանը 2023 թվականի դեկտեմբերի 20-ին հրավիրվել է ՀՀ ՊԵԿ հրավաքանական վարչություն՝ իր նկատմամբ ՀՀ «Մաքսային կարգավորման մասին» օրենքի 302-րդ և 307-րդ հոդվածների հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, նյութերով պարզվել է, որ 2023 թվականի հունիսի 06-ին ՀՀ Երևանի մաքսային սպասարկման կենտրոն-մաքսատուն, վարչության աշխատակիցները «ՄԵՏԷՔՍԻՄ ՏԵՐՄԻՆԱԼ» ՍՊԸ-ի մաքսային հսկողության գոտում գնման են ենթարկել թիվ 05100041/110323/0010764 տարանցման հայտարարագրով Արթուր Ավագյանի անվամբ ՀՀ ներմուծված ընդհանուր 186 կգ քաշով բեռը, որից 26,1 կգ քաշով բեռը քվոտավորման արդյունքում մաքսային մարմնի կողմից հանձնվել է պահպանության, սակայն Արթուր Ավագյանը չկատարելով մաքսային մարմնի օրինական պահանջը 26,1 կգ քաշով բեռը դուրս է բերել մաքսային հսկողության պահպանման պահեստից, այսինքն՝ Արթուր Ավագյանի արարքում առկա է ՀՀ «Մաքսային կարգավորման մասին» օրենքի 302-րդ հոդվածի 2-րդ կետով նախատեսված մաքսային կանոնների խախտում, ինչը հիմնավորվում է 15.11.2023 թվականի մաքսային կանոնների խախտման վերաբերյալ կազմված արձանագրությամբ, «ՔՐԵԱԳԵՏ» ԴԱՏԱԿԱՆ ԵՎ ԱՆԿԱԽ ՓՈՐՁԱՔՆՆՈՒԹՅՈՒՆՆԵՐԻ ԿԵՆՏՐՈՆ ՍՊԸ-ի 12.04.2023 թվականի թիվ Բ-129-03-23 փորձագետի եզրակացությամբ:

Հիմք ընդունելով «Մաքսային կարգավորման մասին» ՀՀ օրենքի 302-րդ հոդվածի 2-րդ մասը, 334-րդ, 335-րդ հոդվածները.

Ո Ր Ո Շ Ե Ց Ի՝

1. Արթուր Ենոքի Ավագյանին ճանաչել զանցառու «Մաքսային կարգավորման մասին» ՀՀ օրենքի 302-հոդվածի 2-րդ մասով և նրան տուգանել՝ 100 000 ՀՀ դրամի չափով:

2. Որոշման մասին հայտնել Ա.Ավագյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ՀՀ պետական եկամուտների կոմիտեի հրավաքանական վարչություն

(ստորագրության անվանումը)

ղեկավար՝ Արման Մնացականյան


(նստորագրություն)

Որոշման օրինակը՝ _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված ցուցման գումարը ենթակա է վճարման Կենտրոնական գանձապետարանի №900005024055 հաշվեհամարին _19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: